

Corrected by author, add
a few additional names. K34/12

ser. 80 (2)

A.J. Mahloana.

b 1/2

1 pp. 1-2

Dikxoši tša xa Matlala a thaba

10-16

Kxoši ya pele ya xa Matlala a thaba ke Mmangwathi. Ba xa Matlala ke Bakone ba hlanhlahane. Hlanhlahane ke nonyana e dula dihlareng kxaufsi le metse. Ba ba e binaxo xa ba e cje. Xe ba e rêta ba re hlanhlahane mokone se bolawe. Ba xa Matlala ba tšwile diripa tše pedi, Ba xa Matlala a thaba, le ba Matlala a putsane xoba a Phokwana. Ba xa Matlala a Phokwana ba dula xa Sekhukhune. Ba xa Matlala a thaba ba dula kxaufsi le thaba ya Moxôši. Thaba ya Moxôši e šupya ka letswelo ba re xe o ka e šupa ka monwana o ka kudupana. Kxoši Mmangwathi o bušitše ka ngwaxa wa 1800 xe batho ba bašweu ba sešo ba tla lefaseng la xa Matlala. O be a phela xare xa dithaba. Kxaufsi le thaba ya Moxôši xo na le lexora le lexolo la lešaka, ba xo bātša xore ke "Sefabadimong." Sefabadimong ke moxo bolokwang dikxoši ka moka tša xa Matlala

2 Xe pula e sa ne ba ya "Sefabadimong" ba rwele metšexa ya metse, ba feta ba rêrêrêla, xo rêrêrêla ke xo rapêla Medimo, xomme ba thšêla metse. mo mabitleng a dikxoši ba re ka moka "Pula!" "Pula!" Lebitla la kxoši xe e huile le letwa kxwedi ke banna ba bolaya dipholo, ba eja dinama xo hlôbôxa kxoši. Dipholo tseo di tšwaka sefata se tee ba se bitša fata sa "Dipholo." Xe kxoši e hwile xo sepela batho baxax bošixo, ba re mabu a utswitšwe, batho bao ba re ke "ditlatsane" ba sepela ka mafsika ba tšama ba a betša mo dikxorong tša mêtse. Batho ba thšwa ba apea, ba boifa ditlatsane tseo ka xore di a boifiša. Xe b tsêna ka Sefabadimong ba apola boramphašana ba swašela le mehlanthšu ya ditsiba, taba ye e bonthša boikokobetš.

3 Kxoši Matlala wa II ke Makobe maapeša naxa, mapiti piti a rantlapela a Bokone. Ba re ke sepapa sa bašimane e hwang, xo sale bannyana, ba šalê ba ntlotša ka ntsoku, ntsoku nhlabana. O be a apara dikobô tša Mrobele, a apara le masêka a šošwane, a tloxa kxaufsi a sefabadimong, a ya axa motse wa xaxe xôna. O bušitše naxa ya xa Matlala ka mengwaxa ya bo 1830. Lebakeng la xa xo makxowa a tsêna xa Matlala, baruti le bôna ba fihla 1868.

Lebakeng la xa xe ko lwelwe dintwa tša Moletši le ba xa Matlala, Xalaka le Matlala. Ba thôma xo makala sethunya, ba re ke lepalakata, ba no bôna ba ntše ba fela, ba re makxowa a re fetša ka lepalakata. Ba thôma xo nyaka dibolaô ba kxôna ba itwêla. Lepalakata ke nnônô ya nnyôba, e ya bešwa, ya bethišwa fase, ya thunya.

- 4 Xwa šala xo buša moswara letsôxô la xaxe xe a hwile. Sekxwari, le Morwa-tsebe ke bana ba mohumaxadi, ba tswaletšwe mahananweng a bexo a falaletše xa Matlala. Mohumaxadi wa Makobe o be a dula moxo bôna, ka xobane mo motseng wa mošatê bana ba xaxwe ba be ba ehwa. Sekxwari Matlala wa III ke yêna kxoši xôna byale, o buša xo tloxa xa Matlala xo fihla Makxabeng; o bealana le Monye Hananwa molwane kwa Bodi. Ba re na Makxaba sa bosweng a loba kae? Dikxoši tša pelc di be di sepela le batseta, yêna o sepela ka sethunthša marole le batseta. O itheile leina ore ke Solomon Matlala the chief. Xe a ithêta o re ke nna kxotelele, dikxoši ka moka ke mehala metime. Xe a rialo xa a tlankelwe, xa a tlwaelexe. Thobôla!

End

end s 80